

Meeqqat Ikiortigip nikanarsaasarnermut akiuneq annertusarpaa

Nikanarsaasарneq pillugu akiuniarnermut paasititsiniaanerit saqqummiunneqassapput, tassani Meeqqat Ikiortigit Kalaallit Nunaat suliniutinik nutaanik aallartitsissaaq.



Leiff Josefsen

AAQQISSUISOQARFIK | Wednesday, 20. February 2019 - 17:55

Kalaallit Nunaanni meeqqat inuuussuttullu akornanni nikanarsaasарneq ajornartorsiutaasorujussuuvooq. Tamanna misissuinerit takutippaat, nikanarsaasarnerlu peqqutaanerpaat ilagivaat, meeqqat MIO-mut SMS-erluni siunnersorneqarnissaq pillugu saaffiginittarnerannut.

Taamaattumik Meeqqat Ikiortigit nikanarsaasарneq immikkut qitiutilugu samminiarlugu aalajangiuppaa.

- Tamannami unissarneqassappat suleqatigiissutigisariaqarparput, Meeqqat Ikiortigit taama nalunaaruteqarpoq, nalunaarlunilu piareersimagami nikanarsaaneq pillugu paasisitsiniaanissaq 2019 tamaat ingerlatissallugu.

Kikkut tamarmik inissaqarnissaat

Nikanarsaasarnerup meeqqat nunannersumik inuuusinnaanerat ineriarornerallu pitsaanngitsumik sunniuteqarfigisarpai, imminut naleqartutut misigisinnaanerat annertuumik innarlerlarlugu, allaat inuunerup sinnerani ikertut tammarsinnaanngitsutut pigiliunneqarsinnaasumik, Meeqqat Ikiortigimi siulersuisuni siulittaasusoq, Jonna Ketwa oqarpoq.

- Nikanarsarneqarneq qimalliortitserujussualersarpoq; meeqqallu nikanarsarneqarnermik aqqlusaagaqarsimasut tamarmik, inuunermi sinnerani tamatuminnga kingunerlutsitsisalersarlutik. Misissuinerit takutippaat, nikanarsaasarnerit inoqatinullu akuliusimanissamik kajungerunnaarnerit ikiorserumagaanni aqqutissat pitsaanerpaat tassaasut akaareqatigiilluni nuannersumillu

ataatsimoorfeqalernerit, meeqqat tamarmik inissaqartinneqartutut misigilerfigisaannik, pinngortitsinissat, tusagassiuutinut nalunaarummi taama oqarpoq.

Taamaattumik ukioq naallugu ingerlannilaersaakkat ataatsimut qulequtarivaat: Ataqatigiilluarnerit tamanut inissaqartitsisut.

2019-ip ingerlanerani Meeqqat Ikiortigit suliassaat uani takukkit:

- Chat Paaralugu 2018-imi septemberip qaammataagaa internetsikkut attaveqaatitigut nikanarsaasарneq unissarniarlugu aallartinneqarpoq, taannalu maanna meeqqat atuarfiini ilinniartitsisunit annertuumik atorneqalereersimalluni. 2019-llu upernarnerani taanna meeqqat atuarfiini meeqqanun nukarliunerusunut atugassiamik malitseqartinneqassaaq. Chat Paaralugu inerisarneqarpoq PiSiu-mit Meeqqat Ikortigit-miillu suleqatigiissutitut.
- Upernaamullu Nuummi Atuakkanik Atorniartarfimmi (Nunatta Atuagaateqarfiani) atuffassineq tunngavigalugu Kaassassuk aallaavigalugu ingerlatsinissaq pissaaq. Tassani atuffassineq tirtaallunilu suleqatgiissitsinerit atorlugit oqallissutiginiarneqarput qinggaasarisanrerit ikinngutigiittullu ataatsimoortarnerit. Kaassassullu aallavigalugu nuna tamakkerlugu ingerlanniagaq qulequtaqassaaq Pajuppara.
- 2019-ip aasariartulernerani nuna tamakkerlugu paasisitsiniaanissaq Katinngat ilisaritinneqassaaq. Tassani qitiutinneqarlutik sammineqassapput nikanarsaasarnerni aallaviusartut, tamatta eqqaasilluta nikanarsaasarneq tamatsinnit akisussaaffigineqarmat.
- Katinngat naatsunnguanngorlugu filmiliaaqqatut isiginnaagassiaavoq nunarput tamakkerlugu tv-kut attaveqaatigullu takutinneqartussaasussa.
- Tassanilu anguniarneqarpoq, sapinngisamik amerlanerpaanit takuneqarnissaa, siammartitereqataaffigineqarnissaa qisuarialteqarfigineqarnissaalu. Isiginnaagassiannguaq pineqartoq aamma ilinniarneretuunngorniarlutik atuartunut allanilu inuussuttunut ilinniarfnniittunut sammisaqartitsinissami tunngaviussaaq, tassani inuusuttut saaffigineqassallutik nikanarsaasarneq unitsinniarlugu filmeeralioqqullugit.
- Meeqqat ulluanni 1. juni Kalaallit nunaanni Meeqqat Ikiortigit pisoqartitsilluni alikkusersuisitsillunilu aaqqissuiniarpoq qulequtaralugu "Sumiiffiik piiffisarlu nikanarsaaviuneq ajortut". Tassani qitiutinneqarlutik sammineqassapput ikinnguteqartarneq/ikinngutigiinnej aammalu ataatsimoorneq meeqqat tamarmik peqataaffigisaat.
- Ukiarpat saqqummiullugu ingerlanneqassaaq Pajuppara. Taanna Kaassassutulli meeqqanut nipiutumik atuffassinermik tunngaveqassaaq, meeqqanut erseqqissarumallugu ikinngutigiinnerup ataatsimoornerullu qanoq paasilluarneqarnissaat. Pajupparalu nunarput tamarkkerlugu atuffassisarluni sapinngisamik sumiiffinni amerlasuuni ingerlatsiortornissanut aallarniutaassaaq.
- "Toqqisisimanermik ataatsimoornermillu sumiiffinni assigiinngitsuni sammisaqarnerit nikanarsaasarnerup unissarnissaanut sunniuteqartussaapput. Taamaattumik Pajupparap ilangussussavai meeqqat inuusuttullu, nikanarsaanermi unissarneqarsinnaanngimmat meeqqat inersimasullu suleqatiginngikkutsigit.", Jonna Ketwa oqarpoq.
- Ukiullu naajartulernerani pisussaq kingulleq Nuan`-imik qulequtaqartoq aallartinneqassaaq. Taanna atuarfinni akullernut ilinniartitsisutitut ingerlasussatut naatsorsuussaavoq sammineqassallu nika-
- narsaasarneq qanorlu taatuminnga pinngitoortitsiniarsinnaaneq. Misissuinerit takutippaat, nikanarsaasarneq atuartut akullit akornanni nalinginnaanerpaalluni takussaanerpaasartoq, tamakkulu akornanni ileqquluutit kinorna kalinneqqalerlutik pinngorajuttartut.
- Nuan! malitseqartinneqassaaq atortussanik taaneqartunik Naligiissuseq, atuarfiit aallaavigalugit kikkunnut tamanut atugassiaasoq. Taakku atorlugit atuartut, ilinniartitsisut, atuarfinni pisortaasut angajoqqaallu atuarfinni nikanarsaanermik akiuiniarluni periusissanik ineriartortitseqatigiissinneqassapput.